


O presente documento estará
exposto no Taboeiro de
Anuncios desta Deputación
desde o día 24/09/2026
ata a día 25/10/2026
O XEFE DA UNIDADE
PORTERÍA E VIXIANCIA P.O.



SERVIZO DE RECURSOS HUMANOS E ASISTENCIA AOS CONCELLOS

Anuncio

ACORDO DA XUNTA DE GOBERNO DA DEPUTACIÓN PROVINCIAL DE LUGO DO 18 DE SETEMBRO DE 2026 NA QUE SE APROBA A CONVOCATORIA E BASES ESPECÍFICAS PARA A COBERTURA DUNHA (1) PRAZA DE CONDUTOR/A, ENCADRADA NA ESCALA DE ADMINISTRACIÓN ESPECIAL, SUBESCALA SERVIZOS ESPECIAIS, CLASE PERSOAL DE OFICIOS, GRUPO C, SUBGRUPO C1, DO CADRO DE PERSOAL FUNCIONARIO DA DEPUTACIÓN PROVINCIAL DE LUGO, RESERVADA Á PROMOCIÓN INTERNA VERTICAL, INCLUÍDA NA OE 2026.

A Xunta de Goberno da Deputación Provincial de Lugo, en sesión ordinaria celebrada o día 18 de setembro de 2026 adoptou, entre outros, o seguinte acordo:

"Logo de ver a proposta da Sra. Deputada Delegada da Área de Réxime Interior, Promoción do Territorio e Turismo, do seguinte teor:

PROPOSTA Á XUNTA DE GOBERNO PARA QUE APROBE A CONVOCATORIA E AS BASES ESPECIFICAS PARA A COBERTURA DUNHA (1) PRAZA DE CONDUTOR/A, ENCADRADA NA ESCALA DE ADMINISTRACIÓN ESPECIAL, SUBESCALA SERVIZOS ESPECIAIS, CLASE PERSOAL DE OFICIOS, GRUPO C, SUBGRUPO C1, DO CADRO DE PERSOAL FUNCIONARIO DA DEPUTACIÓN PROVINCIAL DE LUGO, RESERVADA Á PROMOCIÓN INTERNA VERTICAL, INCLUÍDA NA OE DO ANO 2026.

Na Oferta de Emprego desta Entidade para o ano 2026 (BOP núm. 112, do 19.05.26), inclúese a praza/posto número 1057/1882 denominada Condutor/a, Grupo C - Subgrupo C1 do cadro de persoal funcionario, reservada a promoción interna vertical.

Visto que no cadro de persoal está vacante e dotada 1 praza denominada Condutor/a, reservada a promoción interna vertical,

Visto que na RPT está vacante e dotado o posto denominado Condutor/a, asociado á praza ante mencionada.

Constatándose a necesidade da cobertura da praza que a continuación se relaciona, propónse á Presidencia que eleve a presente proposta á Xunta de Goberno para que segundo as facultades que lle confire o artigo 59.5 do vixente Regulamento Orgánico da Deputación Provincial de Lugo de data 30.06.2020 (publicado do BOP núm. 202, do 03.09.2020), ACORDE:

1º Aprobar a convocatoria para prover a seguinte praza/posto, reservada a promoción interna vertical:

OEP	NÚM. VACANTES	Nº PRAZAS	DENOMINACIÓN PRAZA/POSTO	RX	CLASIFICACIÓN	GRUPO/SUBGR	Nº POSTO
2026	1	1057	Condutor/a / Condutor/a nivel II	F	Escala de administración especial, subescala servizos especiais, clase persoal de oficios	C-C1	1882

2º. Que a presente convocatoria se rexa polas bases xerais aprobadas pola Xunta de Goberno de data 10.10.2025 para os procesos selectivos para cubrir prazas de persoal funcionario e laboral, reservadas a promoción interna (vertical e/ou horizontal) na Deputación Provincial de Lugo. (BOP 238, de 16.10.2025).

3º Aprobar as bases específicas que complementarán ás bases xerais que rexerán o procedemento selectivo para cubrir 1 praza/posto de Condutor/a /Condutor/a nivel II, reservadas a promoción interna vertical.

4º Convocar publicamente a quen, cumprindo os requisitos enumerados nas bases xerais e específicas, desexe participar no correspondente proceso selectivo.

5º Ordenar a publicación da presente convocatoria e das bases específicas, nos boletíns oficiais e lugares que se determinen nas bases xerais.

6º Realizar cantos trámites sexan necesarios para levar a cabo o correspondente procedemento selectivo.

A Xunta de Goberno, por unanimidade acorda prestar aprobación á proposta presentada e anteriormente transcrita”.

Contra o presente acordo, que pon fin a vía administrativa, poderase interpoñer con carácter potestativo, recurso de reposición, diante da Xunta de Goberno no prazo dun mes contado a partir do día seguinte o da publicación deste acordo no BOP ou ben recurso contencioso-administrativo diante do Xulgado Contencioso-Administrativo de Lugo no prazo de dous meses contados dende o día seguinte da citada publicación, sen prexuízo de que se interpoña calquera outra que se estime oportuno.

BASES ESPECÍFICAS PARA CUBRIR UNHA (1) PRAZA DE CONDUTOR/A, ENCADRADA NA ESCALA DE ADMINISTRACIÓN ESPECIAL, SUBESCALA SERVIZOS ESPECIAIS, CLASE PERSOAL DE OFICIOS, DO CADRO DE PERSOAL FUNCIONARIO DA DEPUTACIÓN PROVINCIAL DE LUGO, RESERVADA A PROMOCIÓN INTERNA VERTICAL, INCLUIDA NA OE 2026.

1. OBXECTO.

É obxecto das presentes bases específicas complementar o procedemento xeral de selección establecido nas bases xerais para acceso a prazas de persoal funcionario da Deputación Provincial de Lugo, reservadas a promoción interna vertical.

2. CARACTERIZACIÓN DAS PRAZAS.

OEP	NÚM. VACANTES	Nº PRAZA	DENOM. PRAZA	DENOM. POSTO	RX	CLASIFICACIÓN	GRUPO/SUBGR.	Nº POSTO
2026	1	1057	Condutor/a	Condutor/a Nivel II	F	Escala de administración especial, subescala servizos especiais, clase persoal de oficios	C/C1	1882

3. COMETIDO FUNCIONAL.


O cometido funcional destas prazas establécese no Capítulo IV do Real decreto legislativo 781/1986, do 18 de abril, polo que se aproba o texto refundido das disposicións legais vixentes en materia de réxime local. En canto ao cometido funcional dos correspondentes postos de traballo será o sinalado na vixente Relación de Postos de Traballo ou, se é o caso, disposición que a substitúa. En ausencia dos anteriores instrumentos, os ocupantes realizarán as funcións que lles sexan atribuídas por calquera outra norma ou polo correspondente superior xerárquico.

4. REQUISITOS ESPECÍFICOS DOS ASPIRANTES.

Como complemento á base xeral 4.a), as persoas aspirantes deberán estar en posesión do título de bacharelato ou equivalente.

O presente documento estará
exposto no Taboaleiro de
Anuncios desta Deputación
desde o día 24/09/2026
ata a día 25/10/2026
O XEFE DA UNIDADE
PORTERÍA E VIXIANCIA

P.O.M.

P.O. 

Ademais deberán estar en posesión do permiso de condución A, B, C e C+E.

Tamén posuír unha antigüidade de cando menos, dous anos de servizo activo como funcionario de carreira, na Escala de administración xeral, Subescala administrativa, Grupo C, Subgrupo C2, prazas de Maquinista-Conducutor/a Transportista ou Maquinista-Conducutor/a.

Así mesmo, segundo a Disposición adicional vixésimo segunda da Lei 30/1984, de 2 de agosto, de Medidas para a Reforma da Función Pública a ausencia de titulación académica pódese obviar posuíndo unha antigüidade de dez anos na Escala de Administración Especial, Subescala Servizos Especiais, grupo C-subgrupo C2, ou cinco anos e a superación dun curso de formación específica ao que se accederá por criterios obxectivos.

5. PROCEDEMENTO DE SELECCIÓN. FASE DE OPOSICIÓN.

Segundo o estipulado na Base Xeral 8, o proceso consistirá na superación do seguinte exercicio:

5.1 EXERCICIO – PRÁCTICO

Esta proba consistirá na realización dun suposto práctico relacionado coas materias do programa establecido na base específica 6 e poderá consistir na formulación de distintas preguntas-simulacións, elaborar informes ou propostas ou calquera outra actuación na que se poda comprobar as habilidades e capacidade de resolución das persoas aspirantes.

O tempo máximo para realizar o exercicio será determinado polo Tribunal.

O exercicio poderá ser lidos pola persoa aspirante diante do Tribunal na data que este determine, podendo asistir ao devandito acto as demais persoas participantes nesta proba.

O Tribunal poderá formular preguntas sobre o contido do exercicio ou solicitar aclaracións de xeito que lle permita formar unha opinión máis precisa das habilidades profesionais de cada aspirante.

O Tribunal decidirá se as persoas aspirantes, para a realización do exercicio poden vir provistas da normativa, excluíndose textos doutrinais, textos legais concordados, anotados e/ou comentados, formularios ou similares.

Este exercicio poderá ser realizado ou transcrito utilizando as ferramentas informáticas que sexan necesarias a criterio do Tribunal.

Neste exercicio valorarase a capacidade de análise e a aplicación razoada dos coñecementos teóricos á resolución dos problemas prácticos formulados.

A puntuación deste exercicio será de 60 puntos, sendo a puntuación mínima para superalo 30 puntos.

Este exercicio ten carácter obrigatorio e eliminatorio.

Exención de materias: ver base xeral 8.1.1.

5.2 PROBA DE GALEGO.

Consistirá na realización dunha tradución dun texto do castelán ao galego ou do galego ao castelán no tempo máximo de 45 minutos.

Estarán exentos de realizar esta proba as persoas aspirantes que acrediten posuír o nivel de galego Celga 4 ou título equivalente debidamente homologado.

Esta proba valorarase como apto ou non apto e será necesario para superalo obter o resultado de apto.

A proba terá carácter obrigatorio e eliminatorio.

6. PROGRAMA DE ACCESO A UNHA (1) PRAZA DE CONDUTOR/A, ENCADRADA NA ESCALA DE ADMINISTRACIÓN ESPECIAL, SUBESCALA SERVIZOS ESPECIAIS, CLASE PERSOAL DE OFICIOS, DO CADRO DE PERSOAL FUNCIONARIO DA DEPUTACIÓN PROVINCIAL DE LUGO, RESERVADA Á PROMOCIÓN INTERNA VERTICAL, INCLUIDA NA OE 2026.

A) MATERIAS COMÚNS

1. A Constitución Española de 1978. Aspectos esenciais desta. Dereitos e deberes fundamentais dos españois.
2. Principais órganos do Estado: a Coroa e as Cortes Xerais.
3. O Goberno e a Administración na Constitución Española.
4. A organización territorial do Estado. Distintas Administracións Públicas. A administración do Estado, autonómica e local.
5. A Comunidade Autónoma de Galicia. Idea esencial das súas competencias. A súa organización institucional.
6. A provincia como entidade local. Competencias. A Deputación Provincial de Lugo: organización básica, complementaria e administrativa.
7. Principios de actuación da Administración Pública: eficacia, xerarquía, descentralización, desconcentración e coordinación. A administración electrónica.

8. O persoal ao servizo das Corporacións Locais. Dereitos e deberes dos funcionarios ao servizo da Deputación Provincial de Lugo.

B) MATERIAS ESPECÍFICAS:

9. Código de circulación. Lei e Regulamento de circulación e seguridade viaria.

10. O/A condutor/a. Factores que diminúen as aptitudes do condutor. Permiso e licencias de condución: clases e vehículos autorizados para conducir. O vehículo: definicións, documentación, a carga e persoas transportadas.

11. O accidente de circulación: comportamento en caso de accidente. Delitos contra a seguridade do tráfico. Nocións básicas de primeiros auxilios.

12. Funcionamento dun motor de catro tempos: admisión, compresión, explosión ou acendido e escape. Clasificación dos motores: pola súa disposición, polo número de cilindros e polo tipo de combustible.

13. O engraxe: aceites, a súa finalidade e tipos. Sistemas de engraxe. Cambio de aceites, ventilación. Filtración. Refrixeración no vehículo: funcións, distintos tipos de refrixeración, e o seu coñecemento.

14. Elementos de seguridade: freos, tipos e o seu coñecemento. A suspensión: órganos de suspensión e amortiguación do automóbil. Funcións dos amortiguadores.

15. A transmisión: caixa de cambios. Árbore de transmisión. Diferencial. Palieres. Embrague, a súa misión.

16. Electricidade do vehículo. Batería. Bobina. Ruptor. Distribuidor. Buxías. Regulación. Dínamo. Alternador. Motor de arranque. Béndix. O condensador. O delco. Simbología: corrente continua, corrente alterna, fusible, resistencia, condensador, amperímetro, voltímetro, motor xerador, interruptor.

17. O motor diésel: órganos principais. Bomba de inxección e inxectores: funcionamento. Bomba de alimentación. Arranque en frío, quentadores.

18. Pneumáticos e llantas. Aliñamento do eixe dianteiro. Converxencia e caída. O fenómeno "aquaplaning". Mantemento sistemático e reparacións elementais dun vehículo. Avarías, síntomas. Reparacións de emerxencias.

19. Tipoloxía de vehículos eléctricos e electrificados. Compoñentes do vehículo eléctrico (baterías, motores, sistemas de climatización, cargador de bordo en corrente alterna, etc.). Modos de condución e consumo dun vehículo eléctrico. Manobras de condución segura nos vehículos eléctricos (acendido; arranque, aceleración e resposta; desprazamentos; son exterior a baixa velocidade; freado e freado rexenerativo; curva; ausencia de sistemas de escape).

20. A recargado vehículo eléctrico (tipos de carga, potencia, conectores e cables). A carga en instalacións propias, aparcamentos dedicados e a carga pública. Operacións de carga. Sistema de pagos en carga pública.

21. Seguridade e saúde: conceptos xerais. Medidas de seguridade no manexo dos vehículos. Riscos específicos asociados ao vehículo eléctrico: a manipulación de baterías, os conectores de recargo, riscos derivados de accidentes de circulación, desconexión do sistema de alta tensión.

22. A organización do persoal adscrito ao Parque Móbil

23. O mantemento dos vehículos do Parque Móbil

24. Medios materiais cos que conta o Parque Móbil. Procedemento de adquisición.

25. Avarías e reparacións máis frecuentes dos vehículo do Parque Móbil.

26. Órganos administrativos en materia de tráfico: Xefatura Central de Tráfico, Subdelegación do Goberno e outros órganos da Administración.

27. A Inspección Técnica de Vehículos. Elementos que se revisan na ITV. Tipoloxía dos defectos e resultados da inspección. Consecuencias dun rexeito da ITV

28. Pesos, medidas e normas dos vehículos. O Real Decreto 490/1997, de 14 de abril, polo que se modifica o Código da Circulación e se determinan os pesos e dimensión máximas dos vehículos.

29. Permisos de condución. Clases e condicións do Permiso de Condución Autorización BTP. O sistema de penalización por puntos.

30. Seguros. Importe da cobertura dos seguros de coches obrigatorio. Seguro de Responsabilidade Obrigatoria. Seguro voluntario a todo risco.

31. Carga e descarga. Normas xerais. Carga e descarga de mercadorías. Carga e descarga de persoas.

32. Transporte de mercadorías perigosas. Mapa de fluxos.

33. Seguridade e saúde: Conceptos xerais. Medidas de seguridade no manexo dos vehículos e das mercancías perigosas.

34. Medio ambiente. Influencia no tráfico rodado no medio ambiente. Medidas correctoras.

O presente documento está
exposto no Taboeiro de
Anuncios desta Deputación
desde o día 24/09/2026
ata a día 25/10/2026
O XEFE DA UNIDADE
PORTERÍA E VIXIANCIA P.O. M

35. Primeiros auxilios. Actuacións a realizar no caso de accidentes de tráfico. A protección do lugar do accidente. A alerta aos servizos de socorro.
36. O vehículo: Definición. Documentación. A carga e as persoas transportadas. As luces dos vehículos. Elementos de seguridade activa. A seguridade pasiva.
37. A vía: Definición. Partes da vía. Utilización dos carrís. Velocidade. Separación entre vehículos.
38. Manobras básicas da circulación. Incorporación á circulación. Desprazamentos laterais. Adiantamentos. Interseccións. Cambio de sentido. Marcha cara atrás. Detención, parada e aparcamento. Condución nocturna e en condicións meteorolóxicas adversas.
39. Os sinais de circulación: Normas xerais. Sinais verticais. Marcas viarias. Sinais de balizamento. Semáforos, sinais e ordes dos axentes de circulación.
40. O accidente de circulación: Comportamento en caso de accidente. Delitos contra a seguridade do tráfico. Nocións básicas de primeiros auxilios.
- Lugo, 21 de setembro de 2026.- O secretario xeral, José Antonio Mourelle Cillero.

R. 2533

O presente documento estará
exposto no Taboeiro de
Anuncios desta Deputación
desde o día 24/09/2026
ata a día 25/09/2026
O XEFE DA UNIDADE
PORTERÍA E VIXIANCIA P.O.

